

四庫全書

史部

欽定四庫全書

武林舊事卷七

宋周密撰

德壽宮起居注

乾道三年三月初十日南內遣閤長至德壽宮奏知連日天氣甚好欲一二日間恭邀車駕幸聚景園看花出自聖意選定一日太上云傳語官家備見聖孝但頻頻出去不惟費用又且勞動多少人本宮後園亦有幾株

好花不若來日請官家過來閒看遂遣提舉官同到南  
內奏過遵依訖次日進早膳後車駕與皇后太子過宮  
起居二殿訖先至燦錦亭進茶宣召吳郡王曾兩府以  
下六員侍宴同至後苑看花兩廊並是小內侍及幕士  
效學西湖鋪放珠翠花朵玩具尺帛及花籃鬧竿市食  
等許從內人關撲次至毬場看小內侍拋綵毬蹴鞦韆  
又至射廳看百戲依例宣賜回至清妍亭看茶麋就登  
御舟繞堤閒遊亦有小舟數十隻供應雜藝嘌唱鼓板

蔬果與湖中一般太上倚闌閒看適有雙燕掠水飛過  
得旨令曾覲題詞遂賦進阮郎歸云柳陰庭院占風光  
呢喃春晝長碧波新漲小池塘雙雙蹴水忙萍散漫絮  
飛揚輕盈體態狂為憐流水落花香銜將歸畫梁既登  
舟知閣張綸進柳梢青云柳色初濃餘寒似水纖雨如  
塵一陣東風縠紋微皺碧沼鱗鱗仙娥花月精神奏鳳  
管鸞絃闌新萬歲聲中九霞盃內長醉芳春曾覲和進  
云桃靨紅勻梨腮粉薄鴛徑無塵鳳閣凌虛龍池澄碧



芳意鱗鱗清時酒聖花神看內苑風光又新一部仙韶  
九重鸞仗天上長春各有宣賜次至靜樂堂看牡丹進  
酒三盞太后邀太皇官家同到劉婉容位奉華堂聽摘  
阮奏曲罷婉容進茶訖遂奏太后云近教得二女童瓊  
華綵華並能琴阮下碁寫字畫竹背誦古文欲得就納  
與官家則劇遂令各呈伎藝并進自製阮譜三十曲太  
后遂宣賜婉容宣和殿玉軸沈香槽三峽流泉正阮一  
面白玉九芝道冠北珠綠領道氎銀絹三百疋兩會子

三百萬貫是日三殿並醉酒牌還內自此官裏知太上  
聖意不欲頻出勞人遂奏知太上命修內司日下於北  
內後苑建造冷泉堂疊巧石為飛來峰開展大池引注  
湖水景物並如西湖其西又建大樓取蘇軾詩句名曰  
聚遠並是今上御名恭書又御製堂記太上賦詩今上  
恭和刻石堂上是歲翰苑進端午帖子云聚遠樓前面  
面風冷泉堂下水溶溶人間炎熱何由到真是瑤臺第  
一重又曰飛來峰下水泉清臺沼經營不日成境趣自

超塵世外何須方士覓蓬瀛蓋紀實也

淳熙三年五月二十一日天申聖節先十日駕詣德壽

宮進香並進奉銀五萬兩絹二十疋錢五萬貫度牒一

百道用綠油匣二百箇上貼簽云臣某

御名

謹進令幕士

安頓寢殿前候閣長到宮移入殿上并鋪放七寶金銀

器皿等十二日皇后到宮進香排日皇太子皇太子妃

并大內職典等進香至日外時車駕率皇太子太子妃

文武百僚並詣宮上壽車駕至小次降輦太上遣本宮

提舉傳旨減拜行禮上回奏云上感聖恩容臣依禮上  
壽太上再命減十拜俟太上升殿皇帝起居拜舞如儀  
併率皇太子百官奉上御酒樂作衛士三呼駕興入幄  
次小歇樂人再排立殿上降簾太上再坐太后率皇后  
太子妃上壽六宮次第起居禮畢退上侍太上過寢殿  
進早膳太上令宣喚吳郡王等官前來伴話上侍太上  
同往射廳看百戲依例宣賜再入幄次小歇上遣閤長  
奏知太上午時三刻恭請赴坐至期車駕並赴德壽殿

排當自皇帝以下並簪花侍宴至第三盞太上遣內侍  
請官家免花帽束帶並卸上蓋衣官裏回奏上感聖恩  
并免皇后頭冠皇太子穿執並謝恩訖太上泛賜皇太  
子累金嵌寶盤盞紫羅紫紗南北內互賜承應人目子  
錢主管禁衛官率禁衛等人於殿門外謝恩又入幄次  
小歇約二刻再請太上往至樂堂再坐教坊大使申正  
德進新製萬歲興龍曲樂破對舞各賜銀絹有差又移  
宴清華看蟠松宮嬪五十人皆仙妝奏新樂進酒并衛

前呈新藝約至五盞太上賜官裏御書急就章并金剛  
經官家却進御書真草千文太上看了甚喜云大哥近  
日筆力甚進上起謝同皇太子步至蟠松下看御書詩  
再入坐太上皇索翡翠鸚鵡杯官裏與皇后親捧盃進  
酒太上曰此是宣和間外國進到可以屑金就以為賜  
上謝恩時太上官家並已七八分醉再服上蓋率皇后  
太子謝恩宣平輦近裏升輦太上宣諭知省云官家已  
醉可一路小心照管知省等領聖旨還內來早上遣知

省至宮恭問二聖起居并奏欲親到宮謝恩太上就令提舉往問興居并免到宮行禮

八月二十一日壽聖皇太后生辰先十日車駕過宮先至太上處起居方至本殿進香次皇后皇太子太子妃莊文太子妃張娘娘以下並進香起居上至太上內書院進泛索遂奏安止還內十二日婉容到宮至西便門廊下先至太上處奏起居次入本殿進香值雨免下階起居大內進香十三日知省及大官到宮進香閣長就

管押進奉銀絹度牒等并七寶金銀器皿

比天申節減半

并珠

子十號並於後殿鋪放十六日本殿提舉率本宮官屬進香并設放壽星及神仙意思書畫等物隔簾奏喏免起居次日日皇太后宅親屬到宮進香并本宮人吏後苑官屬作院使臣等並節次進香二十一日卯時皇后先到宮候駕到至太上前殿起居次至本殿官家第一班皇后第二班太子并太子妃第三班上壽訖太后宅親屬上壽並同天申節儀太上邀官裏至清心堂進泛



索值雨不呈百戲依例支賜午初二刻奏辦就本殿大堂面北坐官家花帽兒上蓋皇后三釵頭冠並賜簪花至五盞並免大衣服官裏便背兒赴坐第七盞小劉婉容進自製十色菊千秋歲曲破內人瓊瓊柔柔對舞上於閣子庫取賜五兩珠子一號細色北段各十疋太后又賜七寶花十枝珠翠芙蓉領緣一副又移坐靈芝殿有木犀處進酒次到至樂堂再坐更盡後還內

十月二十二日今上皇帝會慶聖節至日車駕過宮太

上升殿起居訖簪花拜舞進壽酒訖太上回賜壽酒次

至太后殿行禮

詳並見第一卷

從太上至後苑梅坡看早梅又

至浣溪亭看小春海棠午初至載忻堂排當官家換素帽兒太后賜官裏女樂二十人上再拜謝恩并教坊都管王喜等進新製會慶萬年薄媚曲破對舞並賜銀絹太上以白玉桃盃賜上御酒云學取老爹年紀早早還京上飲酒再拜謝恩三盞後官家換背兒免拜皇后換團冠背兒太子免繫裏再坐本宮御侍六人并升郎夫

人就賜誥謝恩并照例支散目子錢太上又賜官裏玉酒器十件累珠嵌寶器皿一千兩克絲作金龍裝花軟套間子一副侍宴官吳郡王以下各賜金盤盞足段并薇露酒香茶等是日官裏大醉申後宣逍遙子入便門升輦還內

淳熙五年二月初一日上過德壽宮起居太上留坐冷泉堂進泛索訖至石橋亭子上看古梅太上曰苔梅有二種宜興張公洞者苔蘚甚厚花極香一種出越上苔

如綠絲長尺餘今歲二種同時著花不可不少留一觀  
上謝曰恭領聖旨上皇因言多日不見史浩命內侍宣  
召既至起居訖賜坐并召居廣鄭藻初筵教坊奏樂呈  
伎酒三行太上宣索市食如李婆婆雜菜羹賀四酪面  
三臠猪胰胡餅戈家甜食等數種太上笑謂史浩曰此  
皆京師舊人各厚賜之史起謝又移宴靜樂堂盡遣樂  
工全用內人動樂且用盤架品味百餘種酒行無算又  
宣索黃玉紫心葵花大盞太上親自宣勸史捧觴為兩

宮壽時君臣皆已霑醉小內侍密語史相公云少酌上聞之曰滿酌不妨當為老先生一醉太上極喜賜史少保玉帶一條冰片腦子一金合紫泥羅二十疋御書四軸史相謝恩退

淳熙六年三月十五日車駕過宮恭請太上太后幸聚景園次日皇后先到宮起居入幕次換頭面候車駕至供泛索訖從太上太后至聚景園太上太后至會芳殿降輦上及皇后至翠光降輦並入幄次小歇上邀兩殿

至瑤津少坐進泛索太上太后並乘步輦官裏乘馬遍  
遊園中再至瑤津西軒入御筵至第三盞都管使臣劉  
景長供進新製泛蘭舟曲破吳興祐舞各賜銀絹上親  
捧玉酒船上壽酒酒滿玉船船中人物皆能舉動如活  
太上喜見顏色散兩宮內官酒食并承應人目子錢遂  
至錦壁賞大花三面漫坡牡丹約千餘叢各有牙牌金  
字上張碧油絹幕又別剪好色樣一千朵安頓花架並  
是水晶玻璃天晴

一作天青

汝窑金瓶就中間沈香草兒一

隻安頰白玉碾花商尊約高二尺徑二尺三寸獨插照  
殿紅十五枝進酒三杯一應隨駕官人內官並賜兩面  
翠葉滴金牡丹一枝沈香柄金絲御書扇各一把是日  
知閣張掄進壺中天慢云洞天深處賞嬌紅輕玉高張  
雲幙國艷天香相競秀瓊苑風光如昨露洗妖妍風傳  
馥郁雲雨巫山約春濃如酒五雲臺榭樓閣聖代道洽  
功成一塵不動四境無鳴柝屢有豐年天助順基業增  
隆山嶽兩世明君千秋萬歲永享昇平樂東皇呈瑞更

無一片花落太上喜賜金盃盤法錦等物

此詞或謂是  
康伯可所賦

張掄以  
為已作

又進酒兩盞至清輝少歇至翠光登御舟入裏

湖出斷橋又至真珠園太上命買湖中龜魚放生并宣

喚在湖買賣等人內侍用小綵旗招引各有支賜時有

賣魚羹宋五嫂對御自稱東京人氏隨駕到此太上特

宣上船起居念其年老賜金錢十文銀錢一百文絹十

疋仍令後苑供應泛索時從駕官丞相趙雄樞密使王

淮參政錢良臣並在顯應觀西齋堂侍班各賜酒食翠



花扇子至申時御舟稍泊花光亭至會芳少歇時太上  
已醉官裏親扶上船並乘轎兒還內都人盡出觀瞻贊  
嘆聖孝

九月十五日明堂大禮十三日值雨未時奏請宿齋北  
內送天花蘑菇蜜煎山藥棗兒乳糖巧炊火燒角兒等  
十四日早車駕詣景靈宮回太廟宿齋雨終日不止午  
後太上遣提舉至太廟傳語官家連日祀事不易所有  
十六日詣宮飲福以陰雨泥濘勞頓可免到宮行禮天

氣陰寒請官家善進御膳頻添御服聖旨遣閤長回奏  
上感聖恩至日若登樓肆赦時依舊詣宮行禮若值雨  
不登門時續當奏聞至晚雨不止宣諭大禮使趙雄來  
早更不乘輅止用逍遙輦詣文德殿致齋一應儀仗排  
立並行放免從駕官並常服以從併遣御藥奏聞北內  
來日為值雨更不乘輅謹遵聖旨更不過宮行飲福禮  
太上令傳語官家既不乘輅此間也不出去看也大禮  
使趙雄雖已得旨猶不許放散上聞之曰來早若不晴

時有何面目雄聞之曰縱使不晴得罪不過罷相耳堅執不肯放散至黃昏後雨止月明上大喜遣內侍李思恭宣諭大禮使仍舊乘輅再遣御藥奏聞北內以天晴仍舊乘輅候登門肆赦訖詣宮行飲福禮十五晴色甚佳車駕自太廟乘輅還內日映御袍天顏甚喜都民皆贊嘆聖德至巳時太上直閣子官往齋殿傳語官家且喜晴明可見誠心感格賜御用段疋玉鞭轡七寶篋刀子事件素食果子等仍奏連日勞頓免行飲福禮上就

遣知省回奏上感聖恩天氣轉晴皆太上皇帝聖心感  
格容肆赦訖過宮行禮并謝聖恩十六日登門肆赦畢  
車駕詣宮小次降輦提舉傳太上聖旨特減八拜仍至  
壽聖處飲福禮畢略至絳華堂進泛索知閤張掄進臨  
江仙詞云聞道彤庭森寶仗霜風逐雨驅雲六龍扶輦  
下青冥香隨鸞扇遠日映赭袍明簾捲天街人頂戴滿  
城喜氣氤氲等閒散作八荒春祇知天意好昨夜月華

新

淳熙七年十二月二十八日南內遣御藥并後苑官管押進奉兩宮守歲合食則劇金銀錢消夜歲軸果兒錦厯鍾馗爆仗羔兒法酒春牛花朵等就奏知太上皇帝元日欲先進宮朝賀然後還內引見大金人使太上不許傳語官家至日可先引見人使訖却行到宮

淳熙八年元日上坐紫宸殿引見人使訖即率皇后皇太子太子妃至德壽宮行朝賀禮

詳見第一卷

并進呈畫本

人使面貌姓名及館伴問答是歲太上聖壽七十有五

舊歲欲再行慶壽禮太上不許至是乃密進黃金酒器  
二千兩上侍太上於櫺木堂香閣內說話宣押暴待詔  
并小說人孫奇等十四人下暴兩局各賜銀絹供泛索  
訖官家恭請太上太后來日就南內排當初二日進早  
膳訖遣皇太子到宮恭請兩殿並只用轎兒禁衛簇擁  
入內官家親至殿門拱迎親扶太上降輦至損齋進茶  
次至清燕殿閒看書畫玩器約午時初後苑恭進酥酒  
十色熬煮午正三刻就凌虛排當三盞至萼綠華堂看

梅上進銀三萬兩會子十萬貫太上云此無用錢處不  
須得上再三奏請止受三分之一未初雪天下正是臘  
前太上官家甚喜云今年正欠此雪可謂及時太上云  
雪却甚好但恐長安有貧者上奏云已令有司比去年  
倍數支散矣太上亦命提舉官於本宮支撥官會照朝  
廷數目發下臨安府支散貧民一次又移至明遠樓張  
燈進酒節使吳琚進喜雪水龍吟詞云紫皇高宴簫臺  
雙成戲擊瓊包碎何人為把銀河水剪甲兵都洗玉樣

乾坤八荒同色了無塵翳喜冰消太液暖融鵲端門  
曉班初退聖主憂民深意轉鴻鈞滿天和氣太平有象  
三宮二聖萬年千歲雙玉盃深五雲樓迴不妨頻醉細  
看來不是飛花片片是豐年瑞上大喜賜鍍金酒器二  
百兩細色段足復古殿香糕兒酒等太后命本宮歌板  
色歌此曲進酒太上盡醉至更後宣轎兒入便門上親  
扶太上上輦還宮

淳熙九年八月十五日駕過德壽宮起居太上留坐至



樂堂進早膳畢命小內侍進綵竿垂釣上皇曰今日中秋天氣甚清夜間必有好月色可少留看月了去上恭領聖旨索車兒同過射廳射弓觀御馬院使臣打球進市食看水傀儡晚宴香遠堂堂東有萬歲橋長六丈餘並用吳璘進到玉石甃成四畔雕鏤欄檻瑩徹可愛橋中心作四面亭用新羅白羅木蓋造極為雅潔大池十餘畝皆是千葉白蓮凡御榻御屏酒器香奩器用並用水晶南岸列女童五十人奏清樂北岸有芙蓉岡一帶

並是教坊工近二百人待月初上簫韶齊舉縹緲相應  
如在霄漢既入座樂少止太上召小劉貴妃獨吹白玉  
笙霓裳中序上自起執玉盃奉兩殿酒并以累金嵌寶  
注椀杯棻等賜貴妃侍宴官開府曾覲恭上壺中天慢  
一首云素飈颺碧看天衢穩送一輪明月翠水瀛壺人  
不到比似世間秋別玉手瑤笙一時同色小按霓裳疊  
天津橋上有人偷記新闌當日誰幻銀橋阿瞞兒戲一  
笑成痴絕肯信羣仙高宴處移下水晶宮闌雲海塵清

山河影滿桂冷吹香雪何勞玉斧金甌千古無缺上皇  
曰從來月詞不用金甌事可謂新奇賜金束帶紫番羅  
水晶注碗一副上亦賜寶蓋古香至一更五點還內是  
夜隔江西興亦聞天樂之聲

淳熙十年八月十八日上詣德壽宮恭請兩殿往浙江  
亭觀潮進早膳訖御輦檐兒及內人車馬並出候潮門  
先命修內司於浙江亭兩旁抓縛席屋五十間至是並  
用綠纈幕帶得旨從駕百官各賜酒食並免侍班從便

觀者先是澈浦金山都統司水軍五千人抵江下至是  
又命殿司新刺防江水軍臨安府水軍並行閱試軍船  
擺布西興龍山兩岸近千隻管軍官於江面分布五陣  
乘騎弄旗標槍舞刀如履平地點放五色烟炮滿江及  
烟收炮息則諸船盡藏不見一隻奉聖旨自管軍官以  
下並行支犒一次自龍山以下貴邸豪民綵幕凡二十  
餘里車馬駢闐幾無行路西興一帶亦皆抓縛幕次綵  
繡照江有如鋪錦市井弄水人如僧兒留住等凡百餘

人皆手持十幅綵旗踏浪爭雄直至海門迎潮又有踏  
混木水傀儡水百戲撮弄等各呈伎藝並有支賜太上  
喜見顏色曰錢塘形勝東南所無上起奏曰江潮亦天  
下所獨有也太上宣諭侍宴官令各賦酹江月一曲至  
晚進呈太上以吳琚為第一其詞云玉虹遙掛望青山  
隱隱一眉如抹忽覺天風吹海立好似春霆初發白馬  
凌空瓊鰲駕水日夜朝天闕飛龍舞鳳鬱蔥環拱吳越  
此境天下應無東南形勝偉觀真奇絕好是吳兒飛綵

幟蹴起一江秋雪黃屋天臨水犀雲擁看擊中流揖晚  
來波靜海門飛上明月兩宮並有宣賜至月上還內

淳熙十一年六月初一日車駕過宮太上命提舉傳旨  
盛暑請官家免拜至內殿起居太上令小內侍扶掖免  
拜謝恩太后處亦免拜太上邀官裏便背兒至冷泉堂  
進早膳訖太上宣諭云今歲比常年熱甚上起答云伏  
中正要如此太上云今日且留在此納涼到晚去或三  
省有緊切文字不妨就幄次進呈上領聖旨遂同至飛

來峰看放水簾時荷花盛開太上指池心云此種五花  
同榦近伯圭自湖州進來前此未見也堂前假山修竹  
古松不見日色並無暑氣後苑小廝兒三十人打息氣  
唱道情太上云此是張掄所撰鼓子詞後苑進沆瀣漿  
雪浸白酒上起奏曰此物恐不宜多喫太上曰不妨反  
覺爽快上曰畢竟傷脾太上首肯因閒說宣和間公公  
每遇三伏多在碧玉壺及風泉館萬松莊等處納涼此  
處涼甚每次侍宴雖極暑中亦著納襖兒也命小內侍

宣張婉容至清心堂撫琴并令暴童下暴及令內侍投  
壺賭賽利物則劇官家進水晶提壺連索兒可盛白酒  
二斗白玉雙蓮杯拌碾玉香脫兒一套六箇大金盆一  
面盛七寶水戲并宣押趙喜等教舞水族又進太皇后  
白玉香珀扇柄兒四把龍涎香數珠佩帶五十副真珠  
香囊等物直至酉初還內



欽定四庫全書

武林舊事  
卷七

武林舊事卷七

欽定四庫全書

武林舊事卷八

宋周密撰

車駕幸學

先期三日儀鑾司及內侍省官至國子監相視八廂亦至學中搜檢次日諸齋生員盡行般出學外安泊各齋

門並用黃封學官預擬御課題

咸淳丁卯出辟  
雍揚緝熙賦

用黃羅

裝背大冊面簽云太學某齋生臣姓某供以大黃羅袱

護之置於各齋之前以備駕至點索崇化堂後即聖駕  
歇泊之所皆設御屏黃羅幃設供御等物凡勅入宮門  
號止於國子監外門勅入殿門號止於國子監內門勅  
入禁衛號止於崇化堂天井謂之隔門除司業祭酒外  
其餘學官前廊長諭並帶黃號於隔門外席地坐賜酒  
食三品以俟迎駕駕至純禮坊隨駕樂部參軍色念致  
語雜劇色念口號起引子導駕至大成殿櫺星門禮部  
太常寺官國子監三學官及三學前廊長諭率諸生迎

駕起居上乘輦入門至大成殿門降輦有旨免鳴鞭以  
昭至敬閤門太常禮直官前導入御幄太常卿跪奏稱  
太常卿臣某言請皇帝行酌獻禮上出御幄升殿詣文  
宣王位前三上香跪受爵三祭酒奠酌兩拜在位皆兩  
拜降階歸幄太常卿奏禮畢陪位官並退上乘輦鳴鞭  
入崇化堂降輦入幄更衣

上所至皆設御幄

禮官國子監官三

學官三學生並於堂下分東西立次引執經官講書官  
於堂下東壁面西立宰臣執政以下北向立閤門奏班

齊上服帽紅上蓋玉束帶絲鞋出崇化堂坐宰臣以下  
宣名奏聖躬萬福御藥傳旨宣升堂各兩拜贊賜坐分

東西階升堂席後立次引執經官講書官奏萬福

官該宣名

者即宣名兩拜次引國子監三學官并三學生奏萬福兩拜

分引升兩廊席後立內官進書案聽宣以經授執經官  
進於案上講筵內承受對展經冊入內官進牙界方舍  
人輩賜坐宰相以下及兩廊學官生員應喏訖各就坐  
聽講講書官進讀經義執經官執牙篋執讀入內官收

徹經書再以講義授講官講書官指講訖入內官徹書  
堂上兩廊官並起分行宰臣以下降階講書官當御前  
躬身致詞北向立兩拜御藥傳旨宣坐賜茶訖舍人贊  
躬身不拜各就坐分引升堂席後立兩拜各就坐翰林  
司供御茶訖宰臣以下并兩廊官贊喫茶宰臣以下降  
階北向立御藥傳旨不拜引兩廊官北向各再拜訖出  
皇帝起易服幘頭上蓋玉帶絲鞋乘輦鳴鞭出學百官  
諸生迎駕如前隨駕樂部參軍色念迎駕致語雜劇色

念口號曲子起壽同天引子導駕還宮在學前廊並該  
恩出官諸生各有免解恩例餘並推恩有差

人使到闕

北使到闕先遣伴使賜御筵於赤岸之班荆館中使傳  
宣撫問賜龍茶一斤銀合三十兩次日至北郭稅亭茶  
酒上馬入餘杭門至都亭驛中使傳宣賜龍茶銀合如  
前又賜被褥銀沙鑪等明日臨安府書送酒食閤門官  
說朝見儀投朝見榜子又明日入見於紫宸殿見畢赴

客省茶酒遂賜宴於垂拱殿酒五行從官以上與坐是日賜茶酒名果又賜副使衣各七事幘頭牙笏二十兩金帶一條并金魚袋靴一雙馬一疋鞍轡一副并折銀五十兩銀沙鑼五十兩色綾絹一百五十疋餘并賜衣帶銀帛有差明日賜牲餼折博生羅十疋綾十疋絹布各二疋朝見之二日與伴使偕往天竺寺燒香賜沈香三十兩并齋筵乳糖酒果次至冷泉亭呼猿洞遊賞次日又賜內中酒果風藥花錫赴守歲夜筵用傀儡元正



朝賀禮畢遣大臣就驛賜御筵中使傳宣勸酒九行三  
日客省發賜酒食禁中賜酒果遂赴浙江亭觀潮酒七  
行四日赴玉津園燕射命善射者假官伴之賜弓矢酒  
行樂作伴射與大使射弓館伴與副使射弩酒九行五  
日大燕集英殿尚書郎官監察御史以上並與學士院  
撰致語六日裝班朝辭退賜襲衣金帶三十兩銀沙鑼  
五十兩紅錦二色綾二疋小綾十色絹三十疋雜色絹  
一百疋餘各有差臨安府書送贈儀復遣執政就驛賜

燕晚赴解換夜筵伴使始與親勸酬且以衣物為賄謂之私覲次日賜龍鳳茶金銀合乘馬出北闕登舟又次日遣近臣賜御筵自到闕至朝辭密賜大使銀一千四百兩副使八百八十兩衣各三襲金帶各三條都管上節各銀四十兩衣兩襲中下節各銀三十兩衣一襲塗金帶副之

宮中誕育儀例畧

宮中凡閣分有娠將及七月本位醫官申內東門司及

本位提舉官奏聞門司特奏再令醫官指定降誕月分  
訖門司奏排辦產閭及照先朝舊例三分減一於內藏  
庫取賜銀絹等物如後 羅二百疋 絹四千六百七

十四疋

釘設產閭

三朝

一臘

二臘

金二十四

三臘

滿月

百晬

頭晬

兩八錢七分二厘

裏木 鈴錠

銀眼 鍍盆

銀四千四百四

十兩 銀錢三貫足

大銀盆一面

醺醪沈香酒五

十三石二斗八升

裝畫扇子一座

裝畫油盆八面

簇花生色袋身單袋一付

催生海馬皮二張 檀

香匣盛唾銅剃刀二把金鍍銀鎖鑰全 彩畫油栲栳

簸箕各一 彩畫油甌八口 彩畫油瓶二 新羅漆

馬銜鐵一副 裝畫胎衣瓶 鐵秤錘五箇 鐵鈎五

十條 眠羊卧鹿二合各十五事 金銀果子五百箇

影金貼羅散花兒二千五百 錦沿席一 綠席氈

繡合褥子各二 碼碯繡絹一疋 大氈四領 乾蓐

草一束 雜用盆十五箇 暖水釜五箇 綠油柳木

槌十箇 生菜一合 生艾一斤 生母薑二斤 黑

豆一斗全 枋 棧 無灰酒二餅 米醋二餅 紐地黃汁

布二條 濾藥布二條金漆箱 兒全 香墨十錠紅羅影 金匣

雞子五十箇金漆箱 兒 小石子三十顆竹籠 作 竹紫五十

把 紅布袋二盛馬通 末用 帶泥藕十挺 生芋子一合

彩 銀杏一合五十斤內裝畫 一千箇 嘉慶子五十斤內裝 畫七

百 菱米五十斤內裝畫 七百箇 胡桃二千箇裝 畫 圓眼五

十斤裝 畫 荔枝五十斤 蓮肉五十斤 栗子五十斤

果子十合 喫食十口燕羊一口生羊剪花 羊文 色子棗 豌豆 八節 棗

塔兒

糖餅

炊餅

糕

髓餅

棗浮圖兒

仍令太醫局差產科大小方脈

醫官宿直供畫產圖方位飲食禁忌合用藥材催生物  
件令本位踏逐老娘伴人乳婦抱女洗人等申學士院  
撰述淨胎髮祝壽文排辦產閣了畢犒賜修內司會通  
門官本司人吏庫子醫官儀鸞司等人銀絹官會有差  
候降誕日本位官即便申內東門司轉奏降誕三日一  
臘兩臘四節次折產閣三臘滿月二次百晬頭晬以上  
十次支賜銀絹仍添本位聽宣內人請給十分以上並

係常例此外特恩臨時取旨不在此限外廷儀禮不在此內

冊皇后儀

先一日宣押翰林院學士鎖院草冊后制詞賜學士潤筆金二百兩次日百官聽宣布皇后三辭不允差官奏告天地宗廟社稷諸陵太史局擇日先期命有司陳設至日早文武百僚集於大慶殿門外節次贊引執事官入立班定皇帝自內服幘頭紅袍玉帶靴入幄更服通

天冠絳紗袍禮部侍郎奏中嚴外辨禮儀使俛伏跪稱

禮儀使臣某言請皇帝發冊

餘與德壽宮上冊寶禮儀並同

侍中詣御

座前躬身承旨訖降東階立稱有制皆再拜太傅太保躬身侍中宣制曰冊妃某氏立為皇后命公等持節展禮太傅太保再拜叅政帥掌節者脫節衣詣太傅位掌節者以節授叅政叅政奉節西向以節授太傅太傅受訖以節授掌節者次中書令以冊授太傅太傅受訖置於案次侍中轉寶授太保並如前儀復位並再拜持節



者前導冊寶進行太傅押冊太保押寶

正安樂作

由中道出

文德殿東偏門

樂止

掌節者加節衣至穆清殿外幄次初

冊寶出門禮儀使至御座前跪奏禮儀使臣某言禮畢

內侍承旨索扇扇合簾降鳴鞭協律郎舉麾鼓祝

乾安樂作

皇帝降坐入東房

夏殿樂止

侍中版奏解嚴是日至穆清殿

設樂架黃麾仗皇帝常服乘金龍肩輿至穆清殿後西

閣內命婦等應陪者列奉從至閣內侍中版奏中嚴外

辦應行事執事官各就門外位立定持節者立於左內

命婦各就位皇后首飾褱衣內侍引司言司引尚宮

尚宮引皇后出閣協律郎舉麾

坤安樂作

由西房至殿上南

向立定

樂止

禮直官引太傅太保就內給事前西向跪稱

冊使太傅某副使太保某奉制授皇后前備物典冊俛

伏興退復位內給事詣皇后前跪奏如前次太傅以冊

授內侍內侍授冊舉冊官奠冊舉案俱詣內謁者監位

以冊授內謁者監受冊奠訖次太保轉寶授內謁者監

如前儀掌節者脫節衣以節授掌節內侍前導冊寶進

行入殿門內謁者監都大主管後從以次入殿

宜安樂作

至

位

樂止

尚宮引皇后自東階至殿下中褥位北向

承安樂作

至

位

樂止

舉冊寶官並案進於皇后之右少前西向跪奠訖

內侍稱有制后再拜讀冊官跪宣冊文后又再拜次內

謁者監奉冊授皇后皇后受訖以授司言次奉寶授皇

后皇后受訖

樂止

皇后再拜退內侍以謝皇太后賤授皇

后皇后置於案再拜內侍奉表以出次進謝皇帝表如

前內侍奏禮畢次尚宮引皇后升堂

和安樂作

司寶奉寶至

於坐前樂止司賓引內命婦次就位班首初行惠安樂作至位

樂止命婦皆再拜司贊引班首升階惠安樂作樂止進當皇后北

向致詞稱贊降自西階惠安樂作至位樂止內外命婦皆再拜

司言稱令旨命婦皆再拜宣令旨訖又皆再拜司賓以

次引命婦還宮惠安樂作出門樂止次內侍引外命婦出咸安樂作

至階上樂止北向致詞咸安樂作降階樂止外命婦皆再拜又宣

答如前內侍奉禮畢皇后降坐徽安樂作皇后歸閣泰安樂作至

閣樂止受賀畢皇后更常服升坐命外命婦如宮中儀會

畢再拜以次出

皇后歸謁家廟

用咸淳  
皇后例

太史局預擇日降旨命禮寺叅酌禮典所屬排辦至日  
皇后出宮至祥曦殿上升龍檐出和寧門至皇后家廟  
本府幹辦使臣等並穿秉兵士並衫帽於大門外香案  
前排立俟儀衛至各兩拜本府親屬於門內婦人於廳  
下側立俟龍檐升廳至堂門降檐入幄次少歇次本府  
親屬並立幄前興居退詣家廟以俟陪立次本閤官奏

請皇后服團冠背兒乘小車入詣家廟

內侍傳呼  
樂官樂作

西階

降車

樂止

皇后升堂西向立

樂作

兩拜陪位官各兩拜讀祝

丈兩拜陪坐各兩拜如上儀

樂作樂止如上

皇后還位再拜陪

位官各兩拜皇后降東側階升車

樂止

又詣後堂炷香如

前儀次赴賜筵皇后坐於堂中南向堂前施簾親屬並

常服詣廳下南向謝恩俟皇后升堂詣簾前兩拜婦人

於簾內兩拜親屬並繫鞋立定以俟就坐供進酒食如

家人禮至第五盞各於席前立俟皇后降坐少歇再坐

並如前儀又至第九盞酒畢並靴笏各兩拜賜筵賜物  
次於廳前排立謝恩各兩拜俟皇后出幄乘龍檐親屬  
北向兩拜退皇后還內詣御前謝恩進納御前及送諸  
閣分夫人御侍韶部職事內人及諸位次內人本殿內  
人並細色足帛盤盞細果海鮮時新喫食及支給內侍  
省大官以下及本殿官吏銀絹有差次日內降旨揮皇  
后封贈三代親屬並行推恩

早泛索

皇后 下飯七件 小碟兒五件

菜蔬五件 菜果十合

親屬 各果食十味

賜筵

皇后 繡高釘十 時果十碟

脯腊十碟 細京果十碟

細蜜煎十碟 看果十碟

親屬 京果四十壘 脯腊三百碟



時果乾果共五百標

初坐

皇后 下酒喫食九盞 上細看食十件

果子意思十件

歇坐

皇后 下酒喫食十盞 果子十件

時果十件

宣賜拆食錢

大官四員 閤長以下十三員 皇后閤內人

押班等二十五人 本殿隨從官 儀鑾司官

御酒庫官 御輦院官 御厨官 翰林司官

祇候庫官 講殿幕士 樂官

賜筵樂次

家廟酌獻三盞諸部合長生樂引子

賜筵初坐 蕙蘭芳引子

第一盞 感栗起玉漏遲慢 笛起側犯 笛起真

珠髻 感栗起柳鶯穿 合喜慶曲破對舞

第二盞 感栗起聖壽永歌曲子 琵琶起傾杯樂

第三盞 琵琶起憶吹簫 感栗起獻仙音

第四盞 琵琶獨彈壽千春 笛起芳草渡 念致

語口號 勾雜劇時和等堯舜禹湯斷送萬歲聲

合意思副末念

雨露恩濃金穴貴  
風光遠勝馬侯家

第五盞 感栗起賣花聲 笛起魚水同懽

歇坐

第一盞 甯栗起合小唱簾外花

第二盞 琵琶獨彈無疆壽

第三盞 箏琶方響合雙雙燕神曲

第四盞 唱賺

第五盞 鼓板 甯栗合小唱舞楊花

再坐

第六盞 笙起壽南山 方響起安平樂

第七盞 箏彈會羣仙 笙起吳音子 勾雜劇吳

國寶等做年年好 斷送四時歡 合意思副末

念

香生花富貴  
綠嫩草精神

第八盞 笛起花犯 甯粟起金蓮倒垂蓮

第九盞 諸部合喜新春慢曲犯 樂官五十人各

帽子紫衫腰帶 都管一人幞頭公服腰帶繫靴

執杖子

樂官犒設

內藏庫支賜銀 皇后殿外庫支賜錢酒 本府支

攜錢酒

皇后散付本府親屬宅眷幹辦使臣以下

金合 金瓶 金盤盞 金環 金釵 金

錢 共金五百兩 銀盤盞共二千兩 細色足段

翠領 翠色 翠冠 翠扇 翠篋環 銀錢

畫扇 龍涎香 畫領 刺繡領 生色羅

皇子行冠禮儀略

太史擇日降旨令太常寺參酌舊禮有司具辦儀物至

日質明百僚立班皇帝即御座禮直官通事舍人太常

博士引掌冠贊冠者入就位

掌冠以太常卿贊冠以閤門官

初入門

祇安

樂作至位

樂止

典儀贊再拜在位皆再拜跪左輔詣御座前

承制降自東階詣掌冠者前稱有制典儀贊再拜在位

皆再拜訖左輔宣制曰皇子冠命卿等行禮掌冠贊冠

者再拜左輔復位王府官入詣皇子東房禮直官通事

舍人太常博士引皇子內侍二人夾侍王府官後從

自後

並准此

皇子初行

恭安樂作

即席南向坐

樂止

禮直官等引掌冠

贊冠詣盥洗

樂作

搢笏盥手脫手訖執笏升

樂止

執折上巾

者升掌冠者降一等受之右執項左執前進皇子席前

北向跪冠

修安樂作

掌冠者興席南北面立贊冠者進席前

北面跪正冠興立於掌冠者後皇子興內侍跪進服服

訖

樂止

掌冠揖皇子復位贊冠者跪取爵內侍以酒注於

爵掌冠受爵跪進皇子席前北向立祝曰酒醴和旨邊

豆靜嘉稷爾元服兄弟具來永言保之降福孔皆皇子

搢笏跪受爵

翼安樂作

飲訖奠爵執笏太官令奉饌設於皇



子席前皇子搢笏受訖

樂止

執笏太官令撤饌禮官直等

復引掌冠贊冠降詣疊洗

樂作

搢笏於手執笏升

樂止

贊冠

者進席前北向跪折上巾置於匱興內侍跪受服興置

於席執七梁冠者升掌冠者降二等受之右執項左執

前進皇子席前北面跪冠

進安樂作

掌冠者興席南北面立

贊者進席前北面跪簪結紉興立於掌冠者之後皇子

興內侍跪進服服訖

樂止

贊冠者揖皇子復坐贊冠者跪

取爵內侍以酒注爵掌冠者跪受進爵皇子席前北面

立祝曰賓贊既戒肴核惟旅申戒厥服禮儀有序允觀

爾誠受天之祐皇子搢笏跪受爵

輔安樂作

飲訖奠爵執笏

太官令進饌撤饌並如前贊冠者進席前北向跪脫七

梁冠置於匱興內侍跪受服興置於席執九旒冕者升

掌冠者降三等受之右執項左執前進皇子席前北向

跪冠

廣安樂作

掌冠者興贊冠者進席前北面跪簪結紘興

立皇子興內侍進服服訖

樂止

皇子復坐贊冠者再進酒

如前祝曰旨酒既清嘉薦令芳三加爾服眉壽無疆永

承天休俾熾而昌皇子跪受爵

咸安樂作

太官令奉饌如前

皇子降自東階詣朶殿東房易朝服降立於橫街南王

府官階下西向皇子初行

樂作

至位

樂止

禮直官等引掌冠

者詣皇子位少進字之曰歲日云吉威儀孔時昭告厥

字君子攸宜順爾成德永言保之奉勅字某皇子再拜

舞蹈再拜奏聖躬萬福又再拜左輔詣御座前承旨降

階詣皇子前宣曰有勅皇子再拜左輔宣勅戒曰好禮

樂善服儒講藝藩我皇室友于兄弟不溢不驕惟以守

之皇子再拜餘如皇太子儀次日文武百僚詣東上閤  
門拜表稱賀

武林舊事卷八

欽定四庫全書

武林舊事卷九

宋周密撰

高宗幸張府節次畧

紹興二十一年十月高宗幸清河郡王第供進御筵節次如後

安民靖難功臣太傅靜江軍武靖海軍節度使醴泉觀使清河郡王臣張俊進奉

繡花高釘一行八果疊

香圓 真柑 石榴 橙子 鵝梨 乳梨 檳

查 花木瓜

樂仙乾果子义袋兒一行

荔枝 圓眼 香蓮 榧子 榛子 松子 銀

杏 梨肉 棗圈 蓮子肉 林禽旋 大蒸棗

鏤金香藥一行

腦子花兒 甘草花兒 硃砂圓子 木香 丁

香水龍腦 史君子 縮砂花兒 官桂花兒

白朮 人參 橄欖花兒

彫花蜜煎一行

彫花梅球兒 紅消兒 彫花筍 蜜冬瓜魚兒

彫花紅團花 木瓜大段兒 彫花金橘青梅

荷葉兒 彫花薑 蜜筍花兒 彫花橙子 木

瓜方花兒

砌香酸鹹一行



香藥木瓜

椒梅

香藥藤花

砌香櫻桃

砌

香萱草拂兒

紫蘇柰香

砌香葡萄

甘草花

兒梅肉餅兒

薑絲梅

水紅薑

雜絲梅餅

兒

脯腊一行

線肉條子

皂角錠子

蝦腊

雲夢犯兒

肉

腊妳房

旋蚌

金山鹹豉

酒腊肉

垂手八盤子

棟蜂兒 番葡萄 香蓮事件念珠 巴欖子

大金橘 新椰子象身板 小橄欖 榆柑子

再坐切時果一行

春藕 甘蔗 紅柿 鵝梨餅子 切橙子 切

綠橘 乳梨月兒 生藕鉗兒

時新果子一行

金橘 歲楊梅 新羅葛 切蜜窰 切脆橙

榆柑子 新椰子 切宜母子 甘蔗柰香 梨

五花兒

藕銚兒

新柑子

彫花蜜煎一行

同前

砌香鹹酸一行

同前

荔枝甘露餅

荔枝寥花

荔枝好郎君

龍纏

桃條

酥胡桃

纏棗圈

纏梨肉

香蓮事件

香藥蒲萄

纏松子

糖霜玉蜂兒

白纏桃

條

脯腊一行

同前

下酒十五盞

第一盞

花炊鵪子

荔枝白腰子

第二盞

妳房簽

三脆羹

第三盞

羊舌簽

萌芽肚脰

第四盞

腴掌簽

鵪子羹

第五盞

肚脰膾

鴛鴦煤肚

第六盞

沙魚膾

炒沙魚襯湯

第七盞

鱔魚炒鱖

鴛鴦掌湯蘆

第八盞

螃蟹釀棖

妳房玉盞羹

第九盞

鮮蝦蹄子膾

第十盞

洗手蟹

第十一盞

五珍膾

第十二盞

第十三盞

第十四盞

第十五盞

插食

炒白腰子 炙肚肱 炙鷓子脯 潤雞 潤兔

炙炊餅 不炙炊餅齧骨

勸酒果子庫十番

砌香果子 雕花蜜煎 時新果子 獨裝巴欖

子 裝大金橘小橄欖 鹹酸蜜煎 獨裝新柳

子 對裝棟松番葡萄 四色時果 對裝春藕

陳公梨

厨勸酒一味

江蟠煤肚

江蟠生

蟠蚌簽

薑醋香螺

香

螺煤肚

薑酸假公權

煨牡蠣

牡蠣煤肚

蟬距煤肚

準備上細疊四卓

又次細疊二卓

內蜜煎鹹酸  
時新脯腊等

對食十盞二十分

蓮花鴨簽

鹽兒羹

三珍膾

南炒鱔

水母

膾 鵲子羹 鱖魚膾 三脆羹 洗手蟹 燂

肚脰

對展每分時果五盤兒

知省 御帶 御樂 門司 直殿官

晚食五十分名件

二色蟹兒 肚子羹 笑靨兒 脯鴨 小頭羹

餅 脯腊雞

直殿官大燂下酒



鴨簽 水母膾 鮮蝦蹄子羹 糟蟹 野鴨

五珍膾 紅生水晶膾 蛤蜊羹

直殿官合子食

脯雞 油包兒 二色薑豉 野鴨 雜燒 入

糙雞 麻脯雞臙 煉魚 炙魚 片羊頭 菜

羹一胡蘆

直殿官果子

時果十隔櫟

準備

薛方瓠羹

備辦外官食爇

第一等

並簇送

太師尚書左僕射同中書門下平章事秦檜

燒羊一口 滴粥 燒餅 食十味 大碗百味

羹 鮓兒盤勸 簇五十饅頭血羹 燒羊頭雙

下 雜簇從食五十事 肚羹 雙下火膀子

羊舌託胎羹 三脆羹 鋪羊粉飯 大簇釘

鮓鮓鷓子 蜜煎三十櫟 時果一合 切榨十櫟 酒

三十瓶

少保觀文殿大學士秦燾

燒羊一口 滴粥 燒餅 食十味 蜜煎一合

時果一合 切榨 酒十瓶

第二等

叅知政事余若水

簽書樞密丞

少師恭國公殿帥楊存中

大尉兩府吳益

普安郡王

恩平郡王

各食十味 蜜煎一合 切榨一合 燒羊一盤

酒六瓶

第三等

侍從七員

左朝散郎禮部侍郎兼權吏部尚書陳誠之

左中大夫刑部侍郎兼權吏部侍郎韓仲通

右承議郎權吏部侍郎李如岡

右奉議郎起居舍人湯思退

右朝散大夫太府卿兼戶部侍郎徐宗說

右宣教郎樞密院檢詳諸房文字兼兵部侍郎陳相

右宣教郎中書門下省檢正諸房公事兼給事中陳

變

管軍二員

馬軍太尉成閔

步軍太尉趙密

知閤六員

保信軍節度使領閤門使魚客省四方館事提點皇

城司鄭藻

昭化軍承宣使領閤門使魚客省四方館事提點皇

城司錢

成州團練使領閤門事兼客省四方館事提點皇城

司趙愷

貴州團練使領閤門事兼客省四方館事提點皇城

司宋

武節大夫吉州刺史領閤門事兼客省四方館事提

點皇城司孟

武節大夫惠州刺史領閤門事兼客省四方館事提

點皇城司蘓

御帶四員

降授郢州防禦使帶御器械潘端卿

忠州防禦使帶御器械石清

武功大夫遙郡防禦使帶御器械冀彥明

武功大夫魚閣門宣贊舍人帶御器械李彥實

宗室三員

安慶軍承宣使同知太宗正事士街



金史卷之二十一  
建州觀察使士劇

瓊州觀察使居廣

外官六員

建寧軍節度使提舉萬壽觀韋謙

崇慶軍節度使提舉萬壽觀韋

慶遠軍節度使提舉萬壽觀吳蓋

崇信軍承宣使提舉佑神觀劉光烈

永寧軍承宣使提舉佑神觀朱孝莊

武慶軍承宣使提舉佑神觀王安道

各食七味 蜜煎一合 時果一合 酒五瓶

第四等

環衛官九員

右監門衛大將軍貴州刺史居閑

右監門衛大將軍福州防禦使士輻

右監門衛大將軍榮州團練使士陞

右監門衛大將軍貴州團練使士歆

右監門衛大將軍宣州刺史士銖

右監門衛大將軍宣州刺史士赫

右監門衛大將軍吉州刺史士階

右監門衛大將軍吉州刺史士諳

右監門衛大將軍吉州刺史士聞

宣贊舍人十八人

王漢臣 陳清 王肯 郭蔓之 許彥洪 鄭應

之 裴良弼 陳迪 李大有 王拜昌 張彥圭

梁份 鄭立之 李邦傑 蔡舜臣 谷璿 王德  
霖 張安世

閣門祇候二十人

李丙 李唐誼 鄭明 范涉 周諲 張令綽  
張拱 楊介 賈公正 陳仲通 劉堯咨 張耘  
何忱 李偁 王謙 董原 劉伉 劉康祖  
何超祖 朱邦達

看戲祇候八人

梁振之 王誼 董珩 司馬純 潘思夔 張赫

馮倚 劉堯卿

提點魚祇應五人

李觀 邊思聰 遼鎬 鄭孝禮 常士廉

三省樞密房副承旨六人

劉興仁 劉興賢 韓師文 武璫 遼俊民 嚴

經安

隨駕諸局幹辦監官等十八人

成州團練使幹辦皇城司馮持

右武郎幹辦皇城司劉允升

保義郎幹辦御廚潘邦

保義郎幹辦御廚馮藻

保義郎幹辦翰林司王喜

修武郎幹辦儀鸞司郭公既

保義郎幹辦祇候司黎安國

武翼郎閤門宣贊舍人魚翰林幹辦御輦院邵璿

忠翊郎幹辦左右驥驤院班彥通

武忠郎幹辦左右驥驤院張淳

承信郎閤門祇候黃幹辦左右驥驤院裴良從

武功大夫幹辦行在左藏庫石瑜

右朝散大夫幹辦行在左藏庫劉份

武功大夫幹辦行在左藏庫吳璫

忠翊郎閤門祇候黃幹辦行在左藏庫

承節郎閤門祇候黃幹辦行在左藏庫劉懃

忠翊郎主管軍頭司魚祇應杜淵

保義郎主管軍頭司魚祇應徐宗彥

各食五味 時果一盒 酒二瓶

第五等

閤門承受十人

知班十五人

御史臺十六人

各食三味 酒一瓶



聽叫喚中官等五十人

各食五味 斬羊一片 饅頭五十箇 角子一

箇 鋪薑粉飯 下飯鹹豉 各酒一瓶

進奉盤合

寶器

御樂帶一條 玉池面帶一條 玉獅蠻樂仙帶

一條 玉鶻兔帶三條 玉壁環二 玉素鍾子

一 玉花高足鍾子一 玉枝梗瓜杯一 玉瓜

杯一 玉東西杯一 玉香鼎二蓋全 玉盆兒  
一 玉椀頭櫟兒一 玉古劍琬等十七件 玉  
圓臨安樣櫟兒一 玉靶獨帶刀子二 玉並三  
靶刀子四 玉犀牛合簪兒一 金器一千兩  
翠毛二百合 珠子十二號共六萬九千五百九  
顆 珠子念珠一串一百九顆 馬價珠金相東  
帶一條 白玻瓈圓盤子一 玻瓈花瓶七 玻  
瓈碗四 瑪瑙碗大小共二十件

古器

龍文鼎一 商彝二 高足商彝一 周盤一  
商父彝一 周敦二 周舉壘一 有蓋獸耳周  
壘一

汝窑

酒瓶一對 洗一 香爐一 香合一 香球一  
蓋四隻 孟子二 出香一對 大匱一 小  
匱一

合伏

螺鈿合一十具

織金錦  
褥子全

犀皮合一十具

織金錦  
褥子全

書畫 有邵寶十軸

曹霸五花驄

馮瑾霽煙長景

易元吉竊生花

黃居寶雀竹

吳道子天王

張萱唐后竹叢

邊鸞萱草山鷓鴣

黃筌萱草山鷓鴣

宗婦曹

氏夢岸 杜庭睦明皇斫鱸

無寶有御書九軸

趙昌躑躅鵲鷦 梅行思躑躅母雞 杜霽撲蝶

巨然嵐鎖翠峰 徐熙牡丹 易元吉寫生枇杷

杞 董源夏山早行二軸 偽主李煜林泉渡水

人物

無寶無御書二軸

荆浩山水 吳元俞紫氣星

匹帛

撫金錦五十疋 素綠錦百五十疋 木錦二百疋

生花番羅二百疋 暗花綵羅二百疋 擣蒲

綾二百疋

進奉犒設

隨駕官知省御帶御藥門司直殿官

紫羅五百疋 雜色纈羅五百疋 馬下目子錢

一萬貫文

禁衛一行祇應人等

錢二萬貫文 炊餅二萬箇 熟猪肉二千斤

燒爆三十合 酒二千瓶

本家親屬推恩

弟拱衛大夫張保

男右奉議郎直敷文閣主管台州崇道觀賜紫金魚

袋張子正

孫承事郎籍田令賜紫金魚袋張宗元

姪龍神衛四廂都指揮使清海軍承宣使添差兩浙

西路馬步軍副總管張子蓋

姪右朝請大夫直徽猷閣主管神佑觀賜金魚袋張  
子儀

姪承奉郎張子安

姪忠翊郎張子文

姪孫保義郎張宗旦

姪孫保義郎張宗亮

姪孫登仕郎張宗說

姪孫成忠郎張宗益



姪孫登仕郎張宗穎

妻秦國夫人魏氏

妾咸寧郡夫人章氏

妾碩人潘氏

妾碩人沈氏

妾碩人曹氏

妾碩人周氏

弟婦太碩人王氏

弟婦恭人任氏

第二女孺人張氏

第三女孺人張氏

第四女孺人張氏

男子顏婦王氏

男子正婦王氏

姪子蓋婦碩人趙氏

姪子儀婦宜人郭氏

孫宗元婦王氏

紹興二十一年十一月 日和州防禦使幹辦府事差  
提點排辦一行事務張青具

武林舊事卷九

欽定四庫全書

武林舊事卷十上

宋周密撰

官本雜劇段數

爭曲六么

扯蘭六么

三喙

教鰲六么

鞭帽六么

衣龍六么

王子高六么

孤奪旦六么

厨子六么

崔護六么

骰子六么

照道六么

鶯鶯六么

大宴六么

驢精六么

女生外向六么

慕道六么

三偈慕道六么

雙闌哮六么

趕厥夾六么

羹湯六么

索拜瀛府

厚熟瀛府

哭骰子瀛府

醉縣君瀛府

煥骨頭瀛府

賭錢望瀛府

四僧梁州

三索梁州

詩曲梁州

頭錢梁州

食店梁州

法事饅頭梁州

四哮伊州

領伊州

鐵指甲伊州

鬧五百伊州

裴少俊伊州

食店伊州

橘檐新水

燒花新水

雙哮新水

簡帖薄媚

請客薄媚

錯取薄媚

傳神薄媚

九裝薄媚

本事現薄媚

打調薄媚

拜褥薄媚

鄭生過龍女薄媚

土地大明樂

列女降黃龍

雙旦降黃龍

燈球大明樂

二爺老大明樂

柳比上官降黃龍

趕厥胡渭州

單番將胡渭州

銀器胡渭州

看燈胡渭州三厥

入寺降黃龍

榆標降黃龍

打地鋪逍遙樂

漚麪逍遙樂

卑打石州

石和那石州

趕厥石州

塑金剛大聖樂

卑打大勝樂

柳毅大聖樂

霸王中和樂

馬頭中和樂



大打調中和樂

喝貼萬年歡

能知他泛清波

三釣魚泛清波

五柳菊花新

青陽觀碑采雲歸

夢巫山采雲歸

小四將整乾坤

四季夾竹桃花

禾打千春樂

牛五郎擺金征

新水鑾

三十拍鑾

天下太平鑾

百花鑾

三十六拍鑾

門子打三教爨

孝經借衣爨

大孝經狐爨

喜朝天爨

說月爨

風花雪月爨

醉青樓爨

宴瑤池爨

錢手帕爨

詩書禮樂爨

醉花陰爨

錢爨

鴨鵝爨

借聽爨

大徹底錯爨

黃河賦爨

睡爨

門兒爨

上借門兒爨

抹紫粉爨

夜半樂爨

棹孤舟爨

借衫爨

火發爨

調燕爨

燒餅爨

托合萬年歡

趑鼓兒熙州

駱駝熙州

二郎熙州

大打調道八歡

會子道人歡

打拍道人歡

越娘道人歡

打勘長壽仙

偌賣旦長壽仙

分頭子長壽仙

棋盤法曲

狐和法曲

藏瓶兒法曲

車兒法曲

病爺劍器

霸王劍器

黃傑進延壽樂

養義娘延壽樂

扯檻兒賀皇恩

催粧賀皇恩

封陟中和樂

唐輔采蓮

雙哮采蓮

病和采蓮

諸宮調霸王

諸宮調掛冊兒

相如文君

崔次韜艾虎兒

王崇道休妻

李勉負心

四鄭舞楊花

四偌皇州

檻偌保金枝

浮漚傳永成雙

浮漚暮雲歸

老狐嘉慶樂

裴航相遇樂

進筆慶雲樂

兩相一萬年歡

木蘭花釵

月當廳釵

醉還醒釵

鬧夾棒釵

撲胡蝶釵

鬧八粧釵

鍾馗釵

銅博釵

戀雙雙釵

惱子釵

像生釵

金蓮釵

思鄉早行孤

睡孤

諱樂孤

論憚孤

迓鼓孤

大暮故孤

小暮故孤

老孤遣旦

孤慘

雙孤慘

三孤慘

四孤醉留客

四孤夜宴

四孤好

四孤披頭

四孤擣

病孤三鄉題

王魁三鄉題

強偌三鄉題

文武問命

兩同心卦鋪兒

一井金卦鋪兒

滿皇州卦鋪兒

變猫卦鋪兒

白苧卦鋪兒

探春卦鋪兒

慶時豐卦鋪兒

三哮卦鋪兒

三哮揭榜

三哮上小樓

三哮文字兒

三哮好女兒

三哮一擔脚

襪哮合房



襍店休旦

襍店負酸

秀才下酸擣

急慢酸

眼藥酸

食藥酸

風流藥

黃元兒

論淡

醫淡

醫馬

調笑驢兒

雌虎

解熊

鵲打兔變二郎

二郎神變二郎神

毀廟

入廟霸王兒

單調霸王兒

單調宿

單背影

單頂戴

單唐突

單折洗

單兜

單搭手

雙搭手

雙厥送

雙厥投拜

雙打毬

雙頂戴

雙園子

雙帽索

雙三教

雙虞侯

雙養娘

雙快

雙捉

雙禁師

雙羅羅啄木兒

賴房錢啄木兒

圓城啄木兒

大雙頭蓮

小雙頭蓮

大雙慘

小雙慘

小雙索

雙排軍

醉排軍

雙賣旦

三合入

三出合

三笑月中行

三登樂院公狗兒

三教安公子

三杜爭賽

三頂戴

三偌一賃驢

三盲一偌

三教鬧教棋

三借蜜貨兒

三獻身

三教化

三京下書

三短鞵

打三教庵宇

普天下

滿皇州打三教

領三教

三姐醉還醒

三姊黃鶯兒

賣花黃鶯兒

大四小將

四小將

四國朝

四脫空

四教化

泥孤

張約齋賞心樂事

并序

余掃軌林間不知衰老節物遷變花鳥泉石領會無餘  
每適意時徜徉小園始覺風景與人為一間引客攜觴  
或幅巾曳杖嘯歌往來澹然忘歸因排比十有二月燕  
遊次序名之曰四并集授小菴主人以備遺忘非有故  
當力行之然為具真率毋至勞費及暴殄沈湎則天之  
所以與我者為無負無褻昔賢有云不為俗情所染方  
能說法度人蓋光明藏中孰非游戲若心常清淨離諸  
取著於有差別境中而能常入無差別定則淫房酒肆

徧歷道場鼓樂音聲皆談般若倘情知物隔境逐源移  
如鳥黏網動傷軀命又烏知所謂說法度人者哉聖朝  
中興七十餘載故家流風淪落幾盡有聞前輩典型識  
南湖之清狂者必長哦曰人生不滿百常懷千載憂晝  
短苦夜長何不秉燭遊一旦相逢不為生客嘉泰元年  
歲辛酉十有二月約齋居士書

正月

歲節家宴

立春日春盤

人日煎餅會

玉照堂賞梅

天街觀燈

諸館賞燈

叢奎閣山茶

湖山尋梅

攬月橋看新柳

安閒堂掃雪

二月

現樂堂瑞香

社日社飯

玉照堂西綳梅

南湖挑菜

玉照堂東紅梅

餐霞軒櫻桃花



杏花莊杏花

南湖泛舟

羣仙繪幅樓前後球

一作樓前打球

綺互亭千葉茶花

馬塍看花

三月

生朝家宴

閨春堂牡丹芍藥

花院月丹

曲水瀉觴

寒食郊遊

花院桃柳

滿霜亭北棣棠

蒼寒堂西緋桃

芳草亭觀草

碧宇觀筍

宜雨亭千葉海棠

艷香館林檎

花院紫牡丹

宜雨亭北黃薔薇

現樂堂大茶

花院嘗煮酒

瀛壖勝處山花

經寮鬪茶

羣仙繪幅樓芍藥

四月

初八日亦菴早齋

南湖放生食糕糜

芳草亭關草

芙蓉池新荷

藍珠洞茶蘼

滿霜亭橘花

玉照堂青梅

鷗渚亭五色罌粟花

安閒堂紫笑

艷香館長春花

餐霞軒櫻桃

羣仙繪幅樓前玫瑰

南湖雜花

詩禪堂盤子山丹花

五月

清夏堂觀魚

聽鶯亭摘瓜

安閒堂解粽

重午節泛蒲

煙波館碧蘆

夏至日鶯鸞

南湖萱花

綺互亭大笑花

水北書院采蘋

鷗渚亭五色蜀葵

清夏堂楊梅

叢奎閣前榴花

艷香館密林擒

摘星軒枇杷

六月

現樂堂嘗白酒

樓下避暑

蒼寒堂後碧蓮

碧宇竹林避暑

芙蓉池賞荷花

約齋夏菊

清夏堂新荔枝

霞川食桃

七月

叢奎閣前乞巧

餐霞軒五色鳳仙花

立秋日秋葉

玉照堂玉簪

西湖荷花

南湖觀魚

應鉉齋東葡萄

霞川水紅

珍林剥棗

八月

湖山尋桂

現樂堂秋花

社日饒會

衆妙峯山木犀

霞川野菊

綺互亭千葉木犀

浙江觀潮

羣仙繪幅樓觀月

桂隱攀桂

杏花莊雞冠黃葵

九月

重九登城把萸

把菊亭采菊

蘇堤看芙蓉

珍林嘗時果

景全軒金橘

芙蓉池三色拒霜

杏花莊窮新酒

十月

現樂堂煖爐

滿霜亭蜜橘

煙波館買市

賞小春花

杏花莊挑簾

詩禪堂試香

十一月

摘星軒祀祀花

冬至節餽餽

味空亭蠟梅

蒼寒堂南天竹

花院水仙

羣仙繪幅樓前觀雪

十二月

綺互亭檀香蠟梅

天街關市

南湖賞雪

安閑堂試燈

湖山探梅

花院蘭花



瀛壖勝處觀雪

二十四夜錫果

玉照堂看早梅

除夜守歲

約齋桂隱百果

淳熙丁未秋余捨所居為梵刹爰命桂隱堂館橋池諸  
名各賦小詩總八十餘首逮慶元庚申歷十有四年之  
久匠生於心指隨景變移徙更葺規模始全因刪易增  
補得詩凡數百綱舉而言之東寺為報上嚴先之地西  
宅為安身攜幼之所南湖則管領風月北園則娛宴賓

親亦菴神居植福以資靜業也約齋畫處觀書以助老  
學也至於暢懷林泉登賞吟嘯則又有衆妙峰山包羅  
幽曠介於前六者之間區區安身嗜靜之志造物亦不  
相負矣或問予曰造物不負子子其惡負造物者哉釋  
名宦之拘囚享天真之快樂要當於筋骨未衰時今子  
三仕中朝顛華齒墜涉筆總無十二句如之何則可余  
應之曰仕雖多不使勝閒日余之願也余之幸也敢不  
勉旃壬戌歲仲夏張鉉功父書

東寺

勅賜廣壽慈雲

大雄尊閣

千佛像

靜高堂

寢室

真如軒

種竹

西宅

叢奎閣

安奉被賜四朝宸翰

德勲堂

祖廟以高宗御書二字名

儒聞堂

前堂用告詞取名

現樂堂

中堂用朱巖壑語

安閒堂

後堂

瀛壖勝處

東北小堂前後山水

綺互亭

有四小軒

柳堂花院

應鉉齋

筌得鼎  
卦故名

振藻

取告詞  
中字名

宴頤軒

尚有軒

賞真亭

山水

亦菴

法寶千塔

鐵鑄千塔  
藏經千卷

如願道場

藥師  
佛壇

傳水軒

寫經寮

書華嚴大  
乘諸經

約齋

泰定軒

煙波觀

南湖

御風橋

十間

閨春堂

牡丹芍藥

把菊亭

天鏡亭

水心

星槎

舟名

鷗渚亭

汎月閣

水明

北園

羣仙繪幅樓

前後十一間下臨丹桂五六十株盡見江湖諸山

桂隱

今諸處總名揭樓下

清夏堂

玉照堂

梅花百株四

蒼寒堂

青松百株二

艷香館

雜春花  
百餘株

碧宇

修竹  
十畝

水北書院

對山  
臨溪

界華精舍

夢中  
得名

撫鶴亭

近松  
株

芳草亭

臨池

味空亭

蠟梅

垂雲石

高二丈廣  
十四尺

攬月橋

飛雪橋

在梅  
林中

藍珠洞

茶蘼二  
十五株

涉趣門

總門入  
松徑

珍林

雜果  
小園

杏花莊

村酒  
店

安樂泉

竹間  
井

芙蓉池

紅蓮十畝四  
面種芙蓉

鵲泉

井名

衆妙峰山

詩禪堂

黃寧洞天

景白軒

置香山畫像并文字

書葉軒

柿二十株

綠畫軒

木屏臨側

文光軒

臨池

俯窠軒

高檣旁

無所要軒

長不昧軒

摘星軒

餐霞軒

櫻桃三十餘株

讀易軒

詠永軒

道德經

凝薰堂

楚佩亭

蘭

宜雨亭

千葉海棠二十株夾流水

滿霜亭

橘五十餘株

聽鶯亭

千歲菴

仁皇飛白字

恬虛菴

憑暉亭

美芝亭

都徽別館

誦度人經處乃徽宗御書

水湍橋

漪嵐洞

施無畏

觀音銅像

登霄臺

東西

登嘯臺



金竹巖

隱書巖

有五仙書在巖穴中可望不可取

古雪巖

新巖

疊翠亭

茂林中容十餘人坐

釣磯

菖蒲澗

上有小石橋

中池

養金魚在山澗中

珠旒瀑

藏丹谷

煎茶磴

右各有詩在集中此不繫錄

武林舊事卷十

欽定四庫全書

武林舊事卷十下

宋周密撰

暴待詔

鄭日新

越重

吳俊臣

安吉具

施茂

施翹

朱鎮

章先

杜黃

象

徐彬

象

林茂

象

禮重

象

尚端

沈姑姑

女派象

金四官人

上官夫人

象

王安哥

象

李黑子

象

書會

李霜涯

作贈  
絕倫

李大官人

譚  
詞

葉庚

周竹窗

平江周一郎

樹  
獠

賈廿二郎

演史

喬萬卷

許貢士

張解元

周八官人

檀溪子

陳進士

陳一飛

陳三官人

林宣教

劉進士

顰八官人

徐繼先

穆書生

戴書生

張小娘子

宋小娘子

陳小娘子

李黑子

陸進士

丘機山

說經

長嘯和尚

彭道

名法和

陸妙慧

女流

余信庵

陸妙靜

女流

周春辨

和尚

達理

和尚

嘯菴

隱秀

借菴

保菴

戴悅菴

息菴

混俗

許安然

有緣

戴忻菴

小說

蔡和

李公佐

小張四郎

朱修

德壽宮

孫奇

德壽宮

任辯

御前

施主

御前

葉茂

御前

方端

御前

劉和

御前

王辯

鐵衣親兵

盛顯

王琦

陳良

王班直

洪

翟四郎

升

粥張二

許濟

張黑踢

俞住菴

包頭陳琳

泰州張顯

酒李一郎

國林

喬宣

王四郎

明

王十郎

國林

王六郎

古師

胡十五郎

彬

故衣毛三

倉張三

藁兒徐榮

徐保義

汪保義

張柏

張訓

沈仝

沈喁

湖水周

燒肝未

掇條張茂

王三教

徐茂

象牙孩兒

王主管

翁彥

嵇元

陳可菴

林茂

夏達

明東

王壽

白思義

史惠英

女流

影戲

賈震

賈堆

三賈

賈偉

尚保義

三伏

伏大伏  
二伏三

沈顯

陳松

馬俊

馬進

王三郎

昇

朱祐

蔡詔

張七

周端

郭真

李二娘

隊戲

王潤興

女流黑  
媽媽

唱賺

濮三郎

扇李二郎

郭四郎

孫端

葉端

牛端



華琳

黃文質

盛三郎

碩和

蠟燭

馬升

熊春

梅四

汪六

沈二

王六

許曾三

邵六

小王三

媳婦徐

沈七

謝一珪

小唱

蕭婆婆

韓太師府

賀壽

陳尾犯

畫魚周

陸思顯

都管

笙張

周頤齋

仵都事

丁八

丁未年撥入勾欄弟子嘌唱賺色

施二娘

時春春

時住住

何總憐

童二

嚴偏頭

白大鼻

葛四

徐勝勝

耿四

朱安安

陳伴伴

火虎頭

余元元

錢寅奴

鼓板

段防禦

生捨

張眼光

張開

張驢兒

謂之三張

陳宣娘

陳喜生

拍

周雙頂

潘小雙

陳喜

莫及

笛

來七

笛

董大有

金四

札子皮

朱關生

襍劇

趙泰

慢星子

女流

王佳喜

宋邦寧

唐都管

世榮

三何

晏喜晏  
清晏然

鋤頭段

卿伶頭

諸國朝

宋朝清

王太

鍊立

郝成

小鋤

宋喜

宋國珍

趙恩

王太

吳師賢

朱太

豬兒頭

王見喜

鐵太

馮舜朝

王珍美

吳國賢

鄭太

惠恩澤

時和

顏喜

蕭金蓮

一窟王

時豐稔

時國昌

金寶

趙祥

吳國昌

王吉

王雙蓮

沈小橋

杜太

襍扮

鐵刷湯

江魚頭

兔兒頭

菖蒲頭

眼裏喬

胡蜀葵

迎春釐

卓郎婦

笑靨兒

科頭扮

韻梅頭

小菖蒲

金魚兒

銀魚兒

胡小俏

周喬

鄭小俏

魚得水

旦

王道大

王壽香

旦

厲太

顧小喬

陳橘皮

小橘皮

菜市喬

自來俏

彈唱因緣

童道

費道

蔣安居

陳遜

李道

沈道

顧善友

甘道

俞道

俞康孫

張道

唱京詞

蔣郎婦

孟客

吳郎婦

馬客

諸宮調

傳奇

高節婦

黃淑卿

王雙蓮

遠本道

唱耍令

大禍胎

小禍胎

李俊

陳香潤

大小王

熊二

路淑卿

陳昌

葉道道情

王保

王定

陸槐

郭忠

牛昌

郭雙蓮

陳新

徐喜

趙防禦

雙無目  
御前



唱撥不斷

張鬚子

黃三

說譚話

蠻張四郎

商謎

胡六郎

魏大材

張振

周月岩

江西人

蠻明和尚

東吳秀才

陳贊

張月齋

陳機和尚

魏智海

小胡六

馬定齋

王心齋

覆射

女郎中

學鄉談

方齋郎

舞綰百戲

張過喜

劉仁貴

朱十將

常十將

錯安頭

歡喜頭

柴小昇歌

林賽哥

張名貴

花廿一郎

花中寶

神鬼

謝興哥

花春

王鐵一郎

王鐵三郎

撮弄雜藝

林過仙

趙十一郎

趙家喜

渾身手

張賽歌

王小仙

姚過仙

趙廿五郎

趙世昌

趙世祥

耍大頭

踢弄

金寶

施半仙

金逢仙

林遇仙

小關西

陸壽

施小仙

女姑姑

泥丸

王小仙

施半仙

章小仙

袁承局

頭錢

色頭

色喜

包和

黃林

踢弄

吳金脚

耍大頭

吳鷄子

傀儡

懸絲杖頭藥發  
肉傀儡水傀儡

陳中喜

陳中貴

盧金線

鄭榮喜

張金線

張小僕射  
杖頭

劉小僕射

水傀儡

張逢喜

肉傀儡

頂撞踏索

李賽強

一塊金

李真會

間生強

清樂

黃顯貴

沒眼動樂

角氍

王僥大

張關索

撞倒山

劉子路

盧大郎

鎮板沓

賽先生

金重旺

賽板沓

曹跌凜

賽僥大

賽闕索

周黑大

張僥大

劉春哥

曹鐵拳

王急快

嚴闕索

韓銅柱

韓鏹僧

王賽哥

一拔條

溫州子

韓歸僧

黑八郎

鄭排

昌化子

小佳哥

周僧見

廣大頭

金壽哥

嚴鎮條

武當山

孟來住

董急快

董僥大

周板沓

鄭三住

周重旺

小關索

小黑大

阮捨哥

傳賣鮮

鄭白大

喬相撲

元魚頭

鶴兒頭

鴛鴦頭

蹴毬



黃如意

范老兒

小孫

張明

蔡潤

射弩兒

周長遊弩

康沈造箭

黃一秀

香大

林四九娘女流

散要

楊寶

陸行

莊秀才

沈喜

桃菊

裝秀才

陳齋郎

花花帽孫秀

吟叫

吳百四

姜阿得

鍾勝

余慶

潘喜壽

蘇阿黑

合生

雙秀才

沙書

金道

姚遇仙

李三郎

改畫

教走獸

馮人喜

李三 教熊

教飛 蟲蛾

趙十一郎

趙十七郎

猢猻王

弄水

啞八

畫牛兒

僧兒

謝棒

放風箏

周三

呂偏頭

烟火

陳太保

夏島子

說藥

楊郎中

徐郎中

喬七官人

捕蛇

戴官人

七聖法

杜七聖

消息

陸眼子

高道

此原接前第六卷諸色伎藝人之下自傳抄既失而秘笈刊本誤別為一卷與前隔斷微汲古舊本幾不見原書矣大抵明季人刊書俱犯妄作之弊而秘笈與說郛稗海則尤繆戾之甚者己亥二月望前一日鑒閣書

原書末行卷次訛誤

卷之三

武休舊事

七

武林舊事卷十一

跋

武林舊事乃弁陽老人草窓周密公謹所集也刊本止第六卷山中仇先生所藏本終十卷後歸西河莫氏家余就假於莫氏因手抄成全書以識歲月藏於家塾至元後戊寅正月忻德用和父

此二冊余假於太子太保遂安伯陳公家同年友文部副郎黃君廷用錄之以歸余云弘治乙卯夏四月望祝

魁



武林舊事十卷元周密公謹撰此虞山毛氏舊本余得而插諸架郎瑛七修類稿云公謹居齊之東作齊東野語居杭癸辛街作癸辛雜識泗水出山東號泗水潛夫居華不注號弁陽老人第此編皆叙行都事似不應題泗水今此本作泗水當別有義意郎瑛又云舊事十二卷杭刻其六全者在吳人袁飛卿家海鹽姚士舜續刻五卷其第一暴待詔諸篇此本無之當為錄補尚缺一卷爾康熙戊戌春王十有九日繡谷亭主

修門地名也文山指南錄序亦有皋亭山距修門三十里今杭郡志不聞有是名即卷中白石茅灘諸名亦湮沒難考矣

吾友鄭芷畦湖錄云四水者湖城以苕水餘不水前溪水北流水合而入於郡城之霅溪故有四水之名舊人詩四水交流霅霅聲是也據此則四水乃湖之地名公謹生於湖中年雖遷杭晚仍歸老弁山又號弁陽老人則四水潛夫之號亦猶是耳古本作四水洵乎不繆然

余疑此義十年方得其說實為快心己亥中秋日焯書